



SIARAN MEDIA **PERBADANAN TABUNG PENDIDIKAN TINGGI NASIONAL (PTPTN)**

“PENYERAHAN MANFAAT TAKAFUL BAGI PEMINJAM PTPTN YANG TELAH MENINGGAL DUNIA”

- 1. Georgetown, Pulau Pinang, 23 Oktober 2016 - PTPTN mengadakan penyerahan manfaat takaful kepada waris Mendiang Chin Khoon Sing iaitu mangsa tragedi kren jatuh di Jalan Raja Chulan bertarikh 25 Ogos 2016 yang lalu. Ketika sesi penyerahan, PTPTN memberikan pengesahan penyelesaian keseluruhan hutang pinjaman PTPTN mendiang melalui manfaat Skim Perlindungan Takaful dan pemberian khairat kematian kepada ibu saudara mendiang sebagai wakil waris bertempat di Nordin Street Ghaut Flat, Georgetown, Pulau Pinang.**
- 2. Majlis telah dihadiri oleh YBrs. Puan Mastura binti Mohd Khalid, Timbalan Ketua Eksekutif PTPTN (Dasar dan Operasi) dan Encik Ahmad Dasuki bin Abdul Majid, Pengurus Besar Negeri, Pulau Pinang.**
- 3. Hutang pinjaman pendidikan PTPTN Mendiang Chin Khoon Sing adalah semasa pengajian di peringkat Diploma dan Ijazah berjumlah RM52,141.59. Melalui manfaat Skim Perlindungan Takaful Berkelompok Pinjaman Pendidikan PTPTN, pinjaman tersebut telah selesai sepenuhnya. Pada masa yang sama waris turut menerima RM1,500 bagi khairat kematian.**
- 4. PTPTN sebagai sebuah agensi pembiaya utama pendidikan tinggi negara sentiasa memikirkan kebajikan peminjamnya. Dengan keprihatinan PTPTN ini mampu membantu meringankan beban yang ditanggung oleh para peminjam serta waris peminjam PTPTN.**

5. **Waris perlu memaklumkan kepada PTPTN** sekiranya berlaku **kematian atau keilatan kekal** agar PTPTN boleh **menguruskan tuntutan** dan memberikan **manfaat takaful serta khairat kematian kepada waris sebagaimana yang ditetapkan.**
6. Bagi mana-mana peminjam yang telah meninggal dunia atau mengalami keilatan, **waris/ penuntut perlu membuat tuntutan dengan melengkapkan Borang Permohonan Tuntutan Takaful yang boleh diperolehi melalui portal rasmi PTPTN www.ptptn.gov.my. Borang Permohonan Tuntutan Takaful beserta dokumen sokongan yang diperlukan hendaklah dikemukakan kepada Pejabat PTPTN Negeri/ Cawangan yang berhampiran** atau diposkan ke Ibu Pejabat PTPTN, Menara PTPTN, Kuala Lumpur. Senarai pejabat PTPTN boleh diperolehi melalui portal rasmi PTPTN www.ptptn.gov.my.
7. **Sehingga 30 September 2016**, seramai **6,421 peminjam** dengan jumlah **RM99.8 juta** telah menikmati **manfaat perlindungan takaful**. Bagi tahun 2016 (sehingga 30 September 2016), seramai 425 peminjam (2015 : 821 peminjam) dengan jumlah RM8.6 juta (2015 : RM14.8 juta).
8. **Sehingga 30 September 2016**, PTPTN telah menyerahkan **jumlah tuntutan khairat kematian kepada 6,409 penuntut/ waris** dengan jumlah **RM7 juta**. Bagi tahun 2016 (sehingga 30 September 2016), seramai 425 penuntut/ waris (2015 : 821 penuntut/ waris) berjumlah RM621 ribu (2015 : RM1.3 juta).
9. **Skim Pinjaman Pendidikan PTPTN dengan perlindungan takaful berkelompok** adalah **bertujuan untuk melindungi pinjaman PTPTN** yang diberikan sekiranya **berlaku kematian atau keilatan kekal menyeluruh kepada peminjam.**

10. Di bawah **konsep perlindungan takaful** berkelompok ini, **amaun prinsipal pinjaman pendidikan yang dikeluarkan oleh PTPTN kepada semua peminjam atau baki prinsipal akan mendapat perlindungan sepenuhnya** daripada syarikat pengendali takaful yang dilantik oleh PTPTN.

11. Setiap peminjam dikehendaki menanggung kos perlindungan takaful sebagaimana **termaktub dalam perjanjian pinjaman pendidikan**. Bagi peminjam yang masih belajar, kaedah potongan sumbangan takaful dibuat pada setiap kali pengeluaran pinjaman. Manakala bagi peminjam yang telah menamatkan pengajian dan potongan sumbangan takaful didapati tidak mencukupi atau berbaki negatif, caj tambahan bulanan akan didebitkan ke dalam akaun peminjam sebagai pinjaman tambahan.

12. Berkuat kuasa **1 Januari 2016**, kiraan **potongan sumbangan takaful** bagi Skim Pinjaman Pendidikan PTPTN semua tahun tajaan pula **adalah atas kadar RM0.59 setahun bagi setiap RM1,000 pinjaman** dengan mengambil kira pengeluaran pinjaman, tempoh pengajian dan tempoh bayaran balik yang telah ditetapkan.

